

聖濟總錄


卅九十四

庫文閣内	
三	漢
〇	二六
函	二
二	
架	

内閣文庫	
番號	漢 12609
冊數	200 (44)
函號	300 212



大學東
校典籍
局之印



大德重校聖濟總錄卷第三十九

霍亂門




霍亂昏塞下利 乾霍亂

中惡霍亂 霍亂煩渴

霍亂心煩 霍亂逆滿

霍亂乾嘔



Vertical columns of text on the right page, mostly illegible due to fading and bleed-through.



霍亂昏塞下利

論曰霍亂昏塞下利者其人脾腎久虛陽氣不足因風冷之氣客於三焦傳於胃府使水穀不化清濁相干吐利不止致令真氣暴虛陰陽離守神識不明大便遺利無所覺知

治霍亂虛寒精神不守泄利不止語聲不出茯苓安心

湯方

白茯苓去黑皮

人參

乾薑炮

桂皮去麩

遠志去心各壹兩半

甘草炙壹兩

石六味麤搗篩每服五錢七水一盞半煎至一盞去

滓溫服日三不拘時正分十水一盞半煎至一盞去

治霍亂下焦虛寒洞泄不止黃蘗皮湯方

黃蘗去麤皮

人參

地榆剉

阿膠

炙燥各壹兩半

厚朴

去麤皮薑汁炙

白茯苓

去黑皮

檉木白皮

各貳兩

艾葉

壹兩

黃連

去須貳兩半

右九味麤搗篩每服三錢匕水一盞煎至七分去滓

溫服日三不拘時

治霍亂暴利不自知理中湯方

前日人參

各壹兩

白朮

人參

乾薑

炮

甘草

炙各貳兩

右四味麤搗篩每服五錢匕水一盞半煎至一盞去

滓溫服日三

治脾胃氣冷霍亂下利不自知訶梨勒丸方

訶梨勒皮

黃連

去須

鍾乳粉

五倍子

白礬

燒汁盡各壹兩

縮沙

去皮

厚朴

去麤皮薑汁炙

樗皮

當歸

切

酸石榴皮

各貳兩

木瓜

切

甘草

炙

橡實

各壹兩

陳橘皮

湯浸去白焙炒貳兩

肉豆蔻

去殼炮伍枚

乾薑

炮壹兩半

胡椒

半兩

右一十七味為細散先醋煎艾葉一兩去滓取汁煮

麩糊丸如梧桐子大每服三十九煎棗湯下不拘時
治霍亂昏塞下利吳茱萸餅方

吳茱萸湯洗焙炒 厚朴去麩皮薑汁炙 陳橘皮湯浸去白焙切炒

人參各壹兩 高良薑 胡椒各壹分

木瓜切 香薷各壹兩 烏牛溲半

右九味先以八味為細末將牛溲捻作餅子暴乾臨
用時炙燥再為細末每服二錢匕水一盞煎至七分
溫服

治霍亂暴利不禁腹中雷鳴烏梅散方

烏梅肉炒 黃連去須 艾葉

赤石脂別研 當歸焙切 甘草炙

附子炮裂去皮臍去 阿膠炙燥

右八味為細散每服二錢匕覺冷則酒調下覺熱則

熱水調下

治霍亂昏塞下利或病後瀉黃白無度腹中虛痛黃連

湯方

黃連去須肆兩 黃蘗去麩皮 當歸焙切

厚朴去麩皮薑汁炙 乾薑炮各參兩 地榆

阿膠炙燥 酸石榴皮各肆兩

右八味麩搗篩每服五錢匕水一盞半煎至一盞去

滓溫服不拘時

治霍亂下利手足逆冷昏塞不自知龍骨湯方

龍骨燒

附子炮裂去皮臍各壹兩人參

乾薑

甘草炙各壹兩半

右五味剉如麻豆每服三錢匕水一盞煎至七分去

滓溫服日三

治霍亂暴利昏塞不自知吳茱萸散方

吳茱萸

湯洗焙炒壹兩陳橘皮湯浸去白焙貳兩

右二味為細散每服三錢匕米飲調下不拘時

乾霍亂

論口乾霍亂之狀中氣喘爭而不吐不利是也腸胃挾實與冷氣相搏正氣暴衰神志昏冒上下隔塞白汗自出治之稍緩則不可

治乾霍亂大小便不通手足心俱熱悶亂冬葵子湯方

冬葵子

滑石

香薷

乾木瓜

細切去皮

右四味麤搗篩每服五錢匕水一盞半煎至一盞去

滓溫服大小便通利心中快立差日四五服

治乾霍亂上不得吐下不得瀉但冷汗自出氣悶將絕

鹽湯方

鹽半匙

童子小便壹盞

右二味溫和服少頃吐下愈

治乾霍亂紫蘇丸方

紫蘇

桂去麤皮

陳橘皮湯浸去白焙

高良薑

人參各壹兩

右五味為細末鍊蜜丸梧桐子大纔覺食不消氣滿

惡心欲吐不吐乾嘔每服二十九溫酒下日再

治乾霍亂厚朴湯方

厚朴

去麤皮生薑炙參分

大黃剉炒

檳榔剉

枳殼去麤皮

朴消

高良薑各參分

右六味麤搗篩每服五錢匕水一盞半煎至一盞去

滓溫服

治乾霍亂人參湯方

人參

厚朴去麤皮生薑汁炙壹兩

高良薑

桂去麤皮各半兩

白茯苓去黑皮壹兩

甘草炙半兩

右六味麤搗篩每服三錢匕水一盞生薑三片煎至

七分去滓不拘時溫服

治乾霍亂不吐不瀉但壅悶脹滿或疔痛木香散方

木香

青橘皮湯浸去白焙 檳榔剉

大黃剉炒各半兩

桔梗剉炒壹兩

桂皮去麩

白朮各參分

人參貳兩

右八味搗羅為散每服二錢匕冷生薑湯調下加至三錢匕以差為度

治乾霍亂不吐利大黃丸方

大黃剉炒壹兩

乾薑炮半兩

桂去麩皮參分

巴豆拾肆枚去皮心膜炒研

右四味先搗前三味為細末與巴豆同研令勻鍊蜜丸如梧桐子大每服五丸至七丸溫水下服久未動更服三丸以溫粥飲一盞投之取利為効

治乾霍亂上氣衝急欲悶絕大小便不通檳榔湯方

檳榔柴枚剉

右一味麤搗篩每服五錢匕水一盞童子小便半盞煎至一盞去滓溫服日再

治乾霍亂腹脇脹滿不吐利心胸悶亂不可忍陳橘皮湯方

陳橘皮湯浸去白焙參兩

蜀椒去目并閉口炒出汗肆拾粒

右二味麤搗篩每服五錢匕水一盞半生薑三片煎至一盞去滓溫服不拘時

治乾霍亂黍米飲方

黍米鼠合水
淘淨

右一味水研澄取白汁呷盡即差

治乾霍亂不吐利四肢煩身冷汗出水蓼飲方

水蓼切 香薷擇切各
貳兩

右二味以水五盞煎取三盞去滓分溫三服

治乾霍亂心腹脹煩滿氣痛不得吐下方

鹽壹合水壹升煎令鹽消旋服之吐出便愈若不

吐又飲之令吐必差

治脾元虛損霍亂不吐瀉腹脹如鼓心胸痰壅活命飲

方

鹽壹合

生薑貳兩

甘草貳分

葛根貳兩

丁香柒粒

右五味細剉如麻豆用童子小便一盞半煎至一盞

去滓分溫二服

治乾霍亂不吐不利令人昏冒煩亂氣短上下隔塞冷

汗自出二勝散方

訶梨勒皮 乾薑成塊者
各貳兩

右二味不搗碎同用水二升於銚子內煎水盡為度

取出重細切焙乾擣羅為散每服二錢匕陳米飲調

下

中惡霍亂

論曰中惡霍亂者客邪內干正氣暴亂使胃中食物不化氣道否結不得宣通令人心腹卒痛吐利煩悶甚則精神冒昧靡所知識此得之鬼氣所作也

治霍亂中惡不識人心痛腹脹不思飲食十香丸方

蘇合香 白檀香

沈香 木香 莎草根炒去毛

白朮炒 高良薑剉 安息香研

麝香研 薰陸香研 丹砂研

龍腦研各半兩 葦撥炒 訶梨勒煨取皮

犀角鎊屑 厚朴去麤皮薑汁炙各壹兩

右一十七味除別研外為細末與別研者藥同研令

勻鍊蜜丸如梧桐子大每服五丸溫酒下老少加減

服之甚者溫酒研下收貯於瓷合中日四五服以差

為度

治中惡霍亂心痛胸脇疔痛喘急桃枝湯方

桃東行枝白皮壹握 丹砂碎壹兩

梔子人拾肆枚 當歸焙 桂去麤皮各參兩

附子炮裂去皮臍 豉 吳茱萸海炒各壹兩

右八味剉如麻豆每服四錢七水二盞生薑三片煎

至一盞去滓溫服日三夜一

治中惡霍亂垂死丹砂丸方

丹砂研半

附子炮裂去皮

雄黃許研

右三味以巴豆七粒去心皮別研出油後入諸藥末

研令極勻鍊蜜丸如麻子大每服三丸米飲下若下

利未止加三丸至五丸與少冷粥食之即定

治卒中惡霍亂心腹刺痛去惡氣麝香散方

麝香研壹分

犀角鎊屑

木香各半兩

右三味為細散空心熟水調一錢七日三

治中惡霍亂麝醋方

麝香壹錢細研

右一味和醋半盞調分二服即差

治中惡霍亂吐利手足麻痺或轉筋白朮湯方

白朮剉

木瓜去麩切焙

人參各壹兩

甘草炙

乾薑炮各半兩

右五味麤搗篩每服三錢七水一盞生薑三片棗一

枚擘同煎七分去滓溫服不拘時

治中惡霍亂吐利心煩橘皮湯方

陳橘皮湯浸去白焙

木瓜切焙

桂皮去麩

草豆蔻去皮 甘草炙各壹兩

右五味麤搗篩每服三錢匕水一盞煎七分去滓溫服不拘時

治中惡霍亂心腹痛煩悶木香散方

木香炮參分 檳榔生剉壹兩 青橘皮湯浸去白皁

桂去麤皮 桃人去皮尖雙人炒研 人參各半兩

右六味為細末每服二錢匕溫酒調下不拘時

霍亂煩渴

論曰經曰上焦如霧言五藏津液之所熏蒸其氣潤澤故能分布於諸脉也今霍亂吐利之人重亡津液則藏

府不和上焦熱津液不足故因霍亂而煩渴也

治霍亂煩渴吐不止者緣吐利多津液虛少不至上焦

故渴人參湯方

人參分 烏梅去核貳枚

右二味麤搗篩每服五錢匕水一盞半竹筴彈子大煎至一盞去滓熱服日四

治霍亂心煩渴吐利不下食草豆蔻湯方

草豆蔻去皮壹分 黃連去須壹兩

右二味麤搗篩每服三錢匕水一盞烏豆五十粒生薑三片煎至七分去滓溫服日三

治霍亂吐利四肢煩疼冷汗出多渴香薷湯方

香薷兩

藜子壹

石二味麤搗篩每服三錢匕水一盞煎七分去滓溫

服日三

治霍亂吐利不止渴甚麥門冬湯方

麥門冬壹

焙去心

栝樓人

人參

陳橘皮

湯浸去白焙各半兩

厚朴去麤皮薑汁炙壹兩

右五味麤搗篩每服三錢匕水一盞煎至七分去滓

溫服日三

治霍亂津液少渴甚青竹筍湯方

青竹筍壹雞子大

人參半兩

烏梅去核貳枚

右三味麤搗篩水三盞煎取一盞去滓溫分三服不

拘時

治霍亂吐利渴躁不止人參湯方

人參壹分

葛根剉

白朮

桔梗去蘆頭剉炒

赤茯苓

去黑皮各半兩

右五味麤搗篩每服三錢匕漿水一盞煎至七分去

滓溫服

治霍亂渴甚糯米飲方

糯米淘貳升

右一味淘取泔飲之即定

又方

右研糯米取白汁恣意飲之

治霍亂吐下大渴多飲梁米飲方

黃梁米海伍

右一味以水一斗煮取五升澄清稍溫飲之糯米飲

亦得

治霍亂吐不止兼渴薑藕飲方

生藕壹兩

生薑壹分

右二味研絞取汁分三服不拘時

治霍亂吐瀉渴躁煩悶不止肉豆蔻丸方

肉豆蔻去殼

丁香

甘草炙

陳橘皮湯浸去 高良薑

藿香葉各半

右六味為細末用棗肉丸如梧桐子大每服二十九
三十九丸溫生薑米飲下不拘時

治霍亂吐逆冷熱不調心膈煩滿咽乾多渴藿香湯方

藿香葉參分

枇杷葉炙去

陳橘皮湯浸去

丁香各半

厚朴去麤皮生薑

白茅根

乾木瓜

麥門冬去心各

甘草炙壹兩半

右九味麤搗篩每服三錢匕水一盞生薑三片煎至七分去滓早晚食前溫服

治霍亂煩渴喘促無力食即嘔吐木瓜湯方

木瓜壹兩

木香

檳榔

生薑各半兩

甘草炙壹分

黑豆炒壹合

人參參分

右七味剉如麻豆每服五錢匕水一盞半煎取一盞去滓早晚食前溫服

治霍亂吐利煩渴不止木瓜湯方

木瓜

壹枚無生者乾者亦得

桂

去麤皮貳兩

右二味咬咀如麻豆大每服五錢匕水一盞半煎至八分去滓溫服一方以豆蔻代桂

霍亂心煩

論曰霍亂心煩者緣心下有水水害心火其氣不宣故令人心煩悶亂而不安也蓋胃土氣衰不能運化飲食氣鬱於中使清濁不分陰陽干擾故霍亂而神情煩躁也

治霍亂心煩坐卧不安麥門冬湯方

麥門冬

去心焙

茯神去木

人參

陳橘皮

湯浸去白焙

甘草

炙各壹兩

右五味麤搗篩每服三錢七水一盞入生薑半分小麥五十粒竹葉十片煎至七分去滓溫服不拘時

治霍亂吐利後心煩亂髮湯方

亂髮壹團如雞子大燒存性

吳茱萸湯浸焙乾參分

甘草炙 人參各壹兩

右四味麤搗篩每服五錢七水一盞酒半盞煎至八分去滓溫服日三

治霍亂心煩蘆根飲方

蘆根剉焙壹兩 人參 水萍紫者焙乾

枇杷葉拭去毛各壹分

右四味麤搗篩每服五錢七入薤白四寸拍破水一盞半煎至八分去滓溫服日三

治霍亂吐後煩滿嘔逆橘皮湯方

陳橘皮湯浸去白焙 梔子人各貳兩

右三味麤搗篩每服三錢七入豉半合水一盞煎至七分去滓溫服日三

治霍亂狂悶煩渴吐瀉無度氣欲絕者竹瀝飲方

淡竹瀝壹合 粳米壹合炒以水貳盞同研去滓取汁

右二味和勻頓服之

治霍亂心煩不止厚朴湯方

厚朴去麤皮薑汁炙桂去麤皮

枳實去穢炒

右三味咬咀如麻豆大每服六錢匕水二盞入生薑一棗大拍碎同煎至一盞去滓溫服日三如腹痛加

當歸二兩

治霍亂心中煩悶香豉湯方

豉柴合綿裹

梔子人

厚朴去麤皮薑汁炙各參兩

右三味咬咀如麻豆大每服六錢匕水二盞煎至一盞去滓溫服

治霍亂心煩梁米飲方

黃梁米半升

右一味搗為粉每服六錢匕水二盞調頓服糯米亦

得

治霍亂已吐利心煩悶不止桑葉飲方

桑葉壹大握切

右一味以水一盞煎取七分頓服立定

治霍亂後心煩臥不安席葱白大棗湯方

葱白貳拾莖去須

大棗貳拾枚去核

右二味以水三盞煎取一盞半去滓分溫二服

治霍亂後脾胃尚虛穀氣未實津液內燥令人煩躁睡

卧不安白豆蔻丸方

白豆蔻皮去 陳橘皮去白 厚朴去蘼皮生

草豆蔻皮去 桂去麤 白朮炒

乾木瓜人三 人參一 半夏湯洗去滑柴

縮沙蜜皮去 高良薑炒 甘草炙

陳麴炒 麥蘖炒 木香

乾薑炮 白茯苓去黑皮 桃人肆兩去皮

右一十八味搗研為末鍊蜜和丸如梧桐子大每服

三十九至四十九空心米飲下

霍亂逆滿

論曰霍亂逆滿雖本於飲食不消亦或痰水積聚滿逆

不行皆氣為之痞也其證胸膈窒塞脇肋支滿或不得吐或吐而不止治法順其升降則愈

治霍亂逆滿氣痞胸膈咽塞妨悶飲食不消腹脇虛脹

腸鳴刺痛蘇桂丸方

紫蘇葉 桂去麤 陳橘皮湯浸

人參 白朮各壹兩 甘草炙半兩

高良薑分

右七味為細末鍊蜜丸如梧桐子大每服二十九至三十九溫酒下米飲亦得如緩急無湯酒細嚼藥嚥

津

治霍亂逆滿兩脇下妨悶嘔不下食芫胡湯方

芫胡去苗

厚朴

去麤皮薑汁炙

白茯苓

去黑皮各貳兩

陳橘皮

湯浸去白焙

人參

訶梨勒

煨去皮

桔梗

去蘆頭炒各壹兩半

紫蘇莖葉

甘草

炙各壹兩壹分

右九味麤搗篩每服五錢匕水一盞半入生薑一棗

大拍碎煎至一盞去滓溫服日二

治霍亂逆滿不下食食即吐出麥門冬湯方

麥門冬

去心焙參兩

茅根

剉焙伍兩

甘草

炙

人參

各壹兩

右四味麤搗篩每服五錢匕水一盞半入竹筴彈子

大一塊生薑一棗大拍碎煎至一盞去滓溫服日三

治霍亂心下逆滿吐逆冒悶半夏湯方

半夏

湯洗去滑柴徧肆兩

厚朴

去麤皮薑汁炙參兩

赤茯苓

去黑皮貳兩

右三味麤搗篩每服五錢匕水一盞半入生薑一棗

大拍碎煎至一盞去滓溫服不拘時

治霍亂逆滿開胃口藿香散方

藿香葉

壹兩焙

訶梨勒

煨去核拾枚

人參

丁香

各半兩

糯米

參佰粒

石蓮心

貳佰箇如無以白豆

蔻半

兩代

甘草

炙壹兩分

右七味為細散每服一錢匕用煨和皮生薑一塊棗

二枚去核煎湯調下早晚食前服

治霍亂逆滿風邪熱氣衝心心悶氣短吐不下食麥門

冬人參湯方

麥門冬

去心焙
貳兩

人參

貳兩

陳橘皮

湯浸去
白焙

羚羊角

鎊屑各
壹兩

右四味麤搗篩每服五錢匕水一盞半入生薑七片

煎至一盞去滓溫服日三

治霍亂逆滿心下痞塞半夏人參湯方

半夏

為末薑汁
作餅焙乾

人參

各參
兩

右二味麤搗篩每服三錢匕水一盞入白蜜一匙煎

至七分去滓溫服日三不拘時

治霍亂逆滿不下食或腹中氣妨悶豆蔻湯方

米草豆蔻人

半兩

人參

壹兩

甘草

炙參
分

右三味麤搗篩每服五錢匕水一盞半入生薑一棗

大拍碎煎至一盞去滓溫服

治霍亂逆滿胸膈噎悶飲食不消紫蘇子丸方

紫蘇子

陳橘皮

湯浸去
白焙各貳兩

高良薑

桂

去麤
皮

人參

各壹
兩

右五味為細末鍊蜜丸如梧桐子大每服二十九米

飲下不拘時食生冷過多欲作霍亂者含化嚙汁

治腹藏不調內寒外熱脾胃虛冷宿食不消乍秘乍利
不常霍亂逆滿厚朴丸方

厚朴去麤反生薑汁炙 赤石脂各壹兩半 白朮

乾薑炮 麥蘖炒 人參

白茯苓去黑皮 當歸切 橘皮湯浸去白焙

甘草炙 訶梨勒煨取皮各壹兩

右一十一味搗羅為末鍊蜜和丸如梧桐子大空心
米飲下二寸丸至三十九

霍亂乾嘔

論曰霍亂乾嘔者胃氣逆也本於吐利之後脾胃俱虛

三焦不理氣時逆上故但嘔逆而無所出即謂之乾嘔

治霍亂乾嘔木瓜湯方

木瓜乾者去瓢壹枚 厚朴去麤皮薑汁炙半兩 乾薑炮壹兩

人參壹兩

右四味搗篩每服五錢匕水一盞半煎至八分去

滓熱服不拘時

治霍亂乾嘔人參湯方

人參 甘草炙 陳橘皮湯浸去白焙各貳兩

右三味搗篩每服三錢匕水一盞葱白二寸煎至
六分去滓溫服

治霍亂乾嘔不止吳茱萸湯方

吳茱萸湯浸焙乾炒 乾薑炮各壹兩

右二味麤搗篩每服五錢匕水一盞半煎至八分去

滓溫服

治霍亂乾嘔不吐木香湯方

木香

乾木瓜

去瓢各壹兩

紫蘇莖貳兩

右三味麤搗篩每服五錢匕水一盞半入黑豆一百粒生薑五片煎至一盞去滓溫服良久再服

治霍亂乾嘔不止薤白湯方

薤白壹握

右一味細切水三盞煎至一盞半去滓溫分二服不

拘時

治霍亂飲食輒嘔高良薑湯方

高良薑貳兩

右一味麤搗篩每服三錢匕水一盞入生薑半分拍

碎煎至七分去滓溫服日三不拘時

治霍亂後胃弱嘔吐不止厚朴湯方

厚朴

去麤皮薑汁炙肆兩

乾菹豆葉貳兩

白朮伍兩

人參

白茯苓

去黑皮各參兩

右五味麤搗篩每服五錢匕水一盞半煎至七分去

洋溫服

大德重校聖濟總錄卷第三十九

大德重校聖濟總錄卷第四十

霍亂門

霍亂嘔噦

霍亂下利

霍亂轉筋

霍亂心下痞逆

霍亂後煩躁臥不安

霍亂嘔噦者陰陽冷熱不調清濁相干胃氣不和
 風冷加之故嘔嘔不止則噦昔人謂嘔噦發下焦之間
 是也此甚於嘔吐治宜降氣於下令上下通達升降無
 礙則病可愈

治霍亂嘔噦手足冷脉絕四順湯方

人參 乾薑 炮 甘草 炙各 參兩

附子 炮裂去皮 臍貳兩

右四味咬咀每服三錢匕水一盞煎至七分去滓溫
 服

霍亂嘔噦

論曰霍亂嘔噦者陰陽冷熱不調清濁相干胃氣不和
 風冷加之故嘔嘔不止則噦昔人謂嘔噦發下焦之間
 是也此甚於嘔吐治宜降氣於下令上下通達升降無
 礙則病可愈

治霍亂嘔噦手足冷脉絕四順湯方

人參 乾薑 炮 甘草 炙各 參兩

附子 炮裂去皮 臍貳兩

右四味咬咀每服三錢匕水一盞煎至七分去滓溫

服

治霍亂嘔噦手足冷當歸湯方

當歸切焙 桂去麩皮 吳茱萸湯洗焙乾

細辛去苗葉 木通剉 甘草炙

乾薑炮各

右七味麤搗篩每服五錢匕水一盞酒半盞大棗二枚去核煎至一盞去滓溫服

治霍亂嘔噦不止橘皮湯方

陳橘皮湯浸去白 甘草炙

枇杷葉拭去毛

右三味麤搗篩每服三錢匕水一盞生薑三片煎至

七分去滓溫服如人行五七里再服

治霍亂氣厥嘔噦不得息半夏湯方

半夏湯洗柒編 甘草炙 人參炙

前胡去蘆頭 桂去麩皮

右五味麤搗篩每服五錢匕水一盞半生薑一分切

豉五十粒煎至七分去滓溫服

治霍亂心煩乾嘔蘆根湯方

蘆根參 人參壹兩 薤白洗切

枇杷葉拭去毛

右四味剉如麻豆每服五錢匕水一盞半煎至一盞

去滓空心溫服

治霍亂卒噦枳實湯方

枳實去瓤麩炒

右一味麤擣篩每服三錢匕羊乳一盞羊脂一彈子

大煎至七分去滓熱服不拘時

治霍亂卒噦糯米粉方

糯米粉升

右一味每服三錢匕以井華水調下不拘時

治霍亂嘔噦生薑飲方

生薑貳兩

右一味以水三盞煎取一盞半去滓分溫三服不拘

時

霍亂下利

論曰霍亂者由冷熱之氣變亂於腸胃之間搏於陰經則腹痛而腸鳴故為霍亂下利之病然赤為熱白為寒冷熱相搏赤白交下寒甚則青黑不已則轉筋之證生焉

治霍亂腹中冷氣下利木瓜丸方

木瓜乾者壹兩

當歸切焙

熟艾微炒

桂去麤皮各半兩

陳橘皮湯浸去白焙參分

木香

人參各半兩

赤石脂兩

白朮

厚朴去麤皮薑炙剉

訶梨勒皮

高良薑各分

右一十二味搗羅為末鍊蜜為丸如梧桐子大每服

三十丸米飲下空心服

治霍亂下焦熱毒利血如鶩鳴肝片不止升麻湯方

升麻參分

犀角屑

地榆去苗各剉碎

紫葍去曲參分

蘘荷根剉碎壹兩

黃芩去黑心參分

芭蕉根

剉碎焙乾壹兩 桔梗炒參分

梔子人壹兩

右九味麤搗篩每服三錢匕以水一盞煎至七分去

滓溫服日三夜一

治霍亂下焦虛寒大便洞泄小便自利黃蘗皮湯方

黃蘗去麤皮壹兩半

黃連去須貳兩半

人參壹兩半

赤茯苓去黑皮貳兩

厚朴去麤皮薑汁炙貳兩 艾葉炒壹兩

地榆去苗剉壹兩半

檉木白皮剉碎焙乾貳兩

阿膠炙令燥壹兩半

右九味麤搗篩每服三錢匕水一盞煎至七分去滓

空腹溫服日三

治霍亂後虛冷腹痛下利不止龍骨湯方

龍骨

當歸切

乾薑炮裂

甘草微炙

人參各壹兩

附子炮裂去皮臍半兩

右六味判如麻豆每服五錢匕水一盞半煎至八分

去滓熱服日三

治霍亂下利不止而渴者白朮湯方

白朮

厚朴去麤皮塗生薑汁炙參編

當歸切焙

人參

乾薑炮裂

甘草微炙各貳兩

右六味麤擣篩每服五錢匕水一盞半煎至七分去

滓溫服如人行五六里再服

治霍亂後水利不止白茯苓丸方

白茯苓去黑皮

黃蘗去麤皮

乾薑炮裂各參兩

木瓜乾者去瓤壹枚切焙

右四味搗羅為末以粳米或粟米飲和為丸如梧桐

子大暴乾米飲下三十九日再老小加減亦治諸利

治冷利洞泄及赤白滯利石榴湯方

酸石榴壹枚大者

黃連去須壹兩

乾薑炮貳兩

右三味咬咀每服五錢匕以水一盞半煎至一盞去

滓入阿膠二片令烱頓服之不拘時

治霍亂赤白冷熱等利及暴瀉病勢初發吐瀉不止食

入不得並宜服藜蘆丸方

人參蘆炙去苗

皂莢酥炙去皮子

巴豆各壹兩去心皮膜炒出油

右三味先搗前二味細羅為末與巴豆同研令勻鍊蜜為丸如小豆大每旦米飲下一丸取利為度未利稍加之

治霍亂下利陳橘皮湯方

陳橘皮湯浸去白炒乾 高良薑剉各參分 厚朴去麤皮薑汁塗炙參徧壹

兩

右三味麤擣篩每服三錢七生薑半分拍碎水一盞煎至七分去滓溫服日四五服

治霍亂水瀉腸胃冷滑訶梨勒丸方

訶梨勒

貳兩以麩裹煨取皮并麩為末

乾薑炮

龍骨

赤石脂各壹兩

右四味搗羅為末以麩糊為丸如梧桐子大每服空心以米飲下二十九

治霍亂下焦虛寒或先血後便此為遠血成利伏龍肝湯方

伏龍肝

淨揀篩貳兩

甘草炙壹兩

乾薑炮裂

生乾地黃

焙各貳兩半

黃芩

去黑心壹兩半

牛膝

酒浸切焙壹兩

亂髮燒灰壹分

右七味麤擣篩每服三錢七生薑一分拍碎水一盞

煎至七分去滓溫服日三

治霍亂下焦虛寒或便利後見血止血湯方

續斷

當歸

切焙各參兩

乾薑

炮裂肆兩

甘草

炙貳兩

生乾地黄

焙肆兩

蒲黃

貳兩

桂參

去麤皮參兩

阿膠

炙令燥貳兩

右八味麤搗篩每服三錢匕水一盞煎至七分去滓

溫服日三

治霍亂下焦熱毒利如魚腦雜赤血併下臍腹痛不

可忍裏急後重香豉湯方

香豉

微炒貳兩

梔子

人壹兩

黃蘗

去麤皮半兩

地榆

剉壹兩

白朮

茜根

揀淨剉碎各參分

右六味麤搗篩每服三錢匕用薤白四寸水一盞同

煎至七分去滓溫服日三

治霍亂下焦熱結或利下膿血煩痛赤石脂湯方

赤石脂

肆兩

烏梅

去核炒壹兩

梔子

人兩

白朮

壹兩

乾薑

炮裂壹兩

升麻

壹兩

陳廩米

微炒半兩

右七味麤搗篩每服五錢匕水一盞半煎至八分去

滓空腹溫服日三

霍亂轉筋

論曰霍亂轉筋緣風冷傷於三焦傳於脾胃脾胃得冷
則陽氣不得宣行致四肢筋絡不得舒緩此蓋中下不
足其候冒悶不安脛筋攣結膈肉緊痛反急於上蓋足
陽明之經虛膀胱之脉寒也然足陽明之脉其支者起
胃下口循腹裏下至氣衝中而合以下髀關抵伏兔下
入膝臏中下循髀外廉足太陽之經其脉循髀外後廉
下合膈中下貫膈內是動則病髀不可回轉膈如結膈
如裂治宜調胃府而溫膀胱之經如此則小水得宣寒
冷自下胃府溫和霍亂可愈轉筋之疾無由作也
治霍亂轉筋胡椒湯方

胡椒 吳茱萸湯洗淨炒 肉豆蔻去殼各半兩
人參 桂去麤皮 乾薑炮各壹兩
右六味麤搗篩每服五錢匕以水一盞半煎至八分
去滓溫服

治霍亂轉筋蜀椒湯方

蜀椒去目并閉口者炒出汗壹分

烏梅柴枚去核熬

右二味咬咀以水二盞煎取一盞再入蜜一匙頭煎
兩沸空腹頓服之老人亦可服

治霍亂轉筋肉豆蔻湯方

肉豆蔻去殼半兩 人參貳兩

桂去麤皮

吳茱萸湯洗淨炒各壹兩半

右四味麤搗篩每服三錢匕入生薑三片水一盞煎

至六分去滓溫服

治霍亂轉筋杜仲湯方

杜仲去皮剉炒壹兩 桂去麤皮壹兩 甘草炙剉壹分

右三味麤搗篩每服三錢匕生薑三片水一盞煎至

六分去滓溫服

治霍亂轉筋悶絕欲死雞白湯方

雞糞白壹合熬 胡椒貳拾粒 高良薑

桂去麤皮壹分 白朮各壹兩壹分 木瓜貳兩

生薑切焙陸分

右七味剉如麻豆每服五錢匕水一盞半煎取八分

去滓不拘時溫服

治霍亂轉筋吐瀉不止木瓜湯方

木瓜兩切壹兩 青銅錢肆拾玖文 烏梅伍枚拍碎炒

右三味以水二盞煎至一盞去滓分三服細呷

治霍亂轉筋脉微而細此風寒客於胃吐瀉不止厚朴

湯方

厚朴去麤皮塗生薑汁炙伍度 乾木瓜各壹兩

高良薑 香薷 陳橘皮湯浸去白焙

紫蘇子各半兩

右六味麤擣篩每服五錢匕生薑三片鹽少許水一

盞半煎至八分去滓溫服

治霍亂吐瀉轉筋煩悶藿香子散方

藿香子炒

木香

陳橘皮

湯去白焙

人參各半兩

菖蒲切米泔浸壹兩日炒壹兩

甘草炙剉壹分

右六味擣羅為散以冷米飲調下三錢匕如人行三

里再服

治霍亂轉筋不止桃人煎方

桃人壹斤枚湯洗皮尖雙人研如麵

右一味以牛乳五升解如漿水於銅器內盛在重湯

內煎瓷器中盛每服空心溫酒調下兩匙

治霍亂轉筋入腹欲死生薑酒方

生薑伍兩切

右一味用無灰酒一升煎取八合頓服便差

治霍亂轉筋入腹或腹中如欲轉雞白湯方

雞糞白炒壹兩

右一味擣為麤末每服二錢匕以水七合煎三沸去

滓頓服勿令病人知

治霍亂轉筋淋足附子湯方

附子

去皮剉壹枚

葱

半斤拍碎

生椒

綿裹

生薑

切碎壹分

右四味以水一斗煎三兩沸入瓷盆中濾去滓以鹽

漿水解之冷熱得所淋洗立差

治霍亂轉筋入腹鹽搗方

鹽

合參

右一味以水五升煎取三升浸青布搗轉筋上

治霍亂轉筋苦酒絮裹足方

苦酒

壹升半

右取衣絮內苦酒中煮令溫從轉筋處裹之

治轉筋入腹裹足法

木瓜

貳枚切破

右以水五升煎取三升以故青布浸湯中用裹轉筋

上如無木瓜煎枝二兩亦得

治霍亂轉筋方

木瓜汁

壹盞

木香末

壹錢

右三味以熱酒調下不拘時

治霍亂轉筋諸藥不除方

胡椒末

壹分

木瓜汁

壹升

硃砂

研極細壹錢七

右三味將木瓜汁浸椒砂二末攪勻微火熬令稠和丸如梧桐子大每服十九霍香湯下

治胃氣虛霍亂吐瀉轉筋腹痛神聖香薷飲方

香薷穗經霜者壹兩半厚朴去麤皮黃連去須各貳兩

藟豆壹兩焙

右四味先用生薑汁四兩一處擣黃連厚朴二味令

細炒成黑色入香薷藟豆二味都麤擣篩每服五錢

匕水一盞酒一盞共煎至一盞瓷瓶內蠟紙封沉入

井底候極冷併服二服至死者亦可救

治霍亂轉筋方

糯米貳兩為末乾薑炮裂為末甘草生用為末

人參為末各貳錢

右四味拌勻冷水調下三錢匕不拘時

霍亂心下痞逆

論曰霍亂氣結心下不散則心氣不得下通故字書以

痞為否言其不通也然痞為虛按之不痛氣雖妨悶不

須駛利唯和調其胃升降其氣則痞氣自散霍亂自寧

矣

治霍亂心下痞滿半夏湯方

半夏湯洗柒遍去滑切焙參兩

人參貳兩

赤茯苓去黑皮

肆兩

右三味咬咀如麻豆大每服三錢匕水一盞入生薑

一棗大拍碎煎至六分去滓溫服

治霍亂心下結氣連胸背痛及吐酸水日夜不止茯苓

湯方

赤茯苓去黑皮

厚朴去麤皮生薑汁炙

吳茱萸湯浸焙炒各壹兩

人參

陳橘皮湯浸去白焙各貳兩

白朮參

右六味麤搗篩每服五錢匕水一盞半入生薑三片

煎至八分去滓溫服不拘時

治霍亂心下痞滿煩嘔不止厚朴湯方

厚朴去麤皮生薑汁炙肆兩

桂去麤皮

枳實剉炒去瓤各參兩

右三味麤搗篩每服三錢匕水一盞生薑三片煎至

六分去滓溫服不拘時腹痛加當歸二兩

治霍亂心下氣痞不通木瓜丸方

木瓜去皮瓢切焙拾枚

木香參兩

人參壹兩

肉豆蔻去皮半兩

陳橘皮湯浸去白焙貳兩

胡椒

檳榔剉各參兩

吳茱萸湯浸焙炒貳兩

草豆蔻去皮參兩

厚朴去麤皮薑汁炙貳兩

桂去麤皮壹兩

蘇朮

米泔浸壹宿刮去皮焙貳兩

縮沙

去皮

高良薑

各參兩

生薑

壹斤搗絞取汁

右一十五味除生薑汁外為細末取生薑汁拌勻用瓷瓶盛於鍋中以重湯煮一復時取出更搗令勻衆手丸如梧桐子大每服十九丸熟水下

治霍亂心下痞逆半夏湯方

半夏

湯洗米泔去滑切焙

人參

各參兩

右二味剉如麻豆每服三錢匕入生薑三片白蜜半匙水一盞煎至六分去滓溫服不拘時

治霍亂嘔吐酸水結氣在心下吳茱萸湯方

吳茱萸

湯浸焙炒壹兩

白朮

赤茯苓

去黑皮各貳兩

陳橘皮

湯浸去白焙壹兩半

葶撥

壹兩

厚朴

去麤皮生薑汁炙貳兩

檳榔

剉貳兩半

人參

壹兩半

大黃

剉炒貳兩

右九味麤擣篩每服五錢匕水一盞半竹筴彈子大生薑三片煎至一盞去滓溫服

治霍亂心下痞滿飲食吐逆水穀不化半夏橘皮湯方

半夏

湯洗米泔去滑切焙

陳橘皮

湯浸去白焙

厚朴

去麤皮薑汁炙各壹兩

人參

白朮

高良薑

各參兩

右六味麤搗篩每服五錢匕水一盞半生薑五片大

棗二枚去核煎至一盞去滓溫服

治霍亂心下痞逆似中惡狀菖蒲湯方

生菖蒲壹握

右一味以水同搗取汁一盞銀石器內煎熟分為三服不拘時

治霍亂嘔吐涎沫醫反下之心下作痞小半夏湯方

半夏湯洗柒遍去滑切焙

右一味咬咀每服三錢匕水一盞生薑三片煎至六分去滓溫服

霍亂後煩躁臥不安

論曰霍亂後煩躁臥寐不安者胃虛餘勢未盡穀氣鬱蒸津液內耗血虛氣亂故煩懊不得安臥也當安其胃氣則病可愈

治霍亂煩躁懊懣不得安臥木香湯方

木香

乾木瓜

紫蘇不去莖各壹兩

草豆蔻去皮壹兩半

右四味麤搗篩每服三錢匕水一盞入黑豆半合許生薑一棗大拍碎煎至七分去滓溫服日三

治霍亂煩躁眠臥不安麥門冬湯方

麥門冬

去心焙參兩 茅根伍兩

甘草炙

人參各壹兩

右四味麤擣篩每服五錢匕水一盞半入竹筴彈子

大生薑一棗大拍碎煎至一小盞去滓溫服日三

治霍亂心煩懊不得安臥枇杷葉飲方

枇杷葉拭去毛壹分 蘆根洗碎參分 人參壹分

右三味麤擣篩每服五錢匕水一盞半入薤白五寸

煎至一盞去滓溫服有頃再服

治霍亂煩躁不得息甘草湯方

甘草炙 半夏湯洗棗湯去滑 人參

陳橘皮湯浸去白焙各貳兩

右四味麤擣篩每服五錢匕水一盞半入豉半合生

薑五片煎至八分去滓溫服日二

治霍亂煩躁臥不安橘皮湯方

陳橘皮湯浸去白焙 人參各參兩

右二味麤擣篩每服四錢匕水一盞半入生薑三片

煎至八分去滓溫服日三

治霍亂後煩躁臥不安橘薑湯方

陳橘皮湯浸去白焙壹兩 生薑貳兩

右二味咬咀每服五錢匕水一盞半入醋少許煎至

一盞去滓溫服

治霍亂後煩躁臥不安豆薑湯方

大豆合海壹

生薑切半

右二味以酸漿水三盞煎至一盞半去滓分溫二服

治霍亂後煩躁臥不安葱白湯方

葱白拾莖

大聚貳拾枚

右二味以水二盞煎至一盞頓服立差

治霍亂吐利後煩躁臥不安調胃乾薑散方

乾薑炮壹

右一味為細散每服二錢七溫粥飲調下

治霍亂利後煩熱躁渴臥不安竹葉湯方

右濃煮竹葉汁飲五六合佳

治霍亂吐後心腹煩滿臥不安覺熱渴者梔子湯方

梔子人貳

右一味麤擣篩每服三錢七水一盞入豉半合煎至

七分去滓溫服有頃再服

治霍亂利後煩躁臥不安梁米飲方

梁米粉升半

右一味以水一升半和攪如白飴分三服飲之糯米

亦得

治霍亂後煩躁臥不安薑茶散方

乾薑

炮為末抄好茶末壹錢

右二味以水一盞先煎茶末令熟即調乾薑末服之

治霍亂後煩躁臥不安服木瓜子方

木瓜子

不拘多少

右一味每服七粒微嚼破以溫水半盞吞之差

治霍亂後煩躁眠睡不安神應散方

丹砂

研

硫黃

研各壹錢

朴消

貳錢

蛤粉

參錢半

人參

白茯苓

去黑皮各壹分

右六味搗羅為散每服一錢七用脂麻水調下不計

時候服

治霍亂後胃氣虛不能安臥香薷飲方

香薷

壹握

生薑

兩

木瓜

壹枚

右三味細切研攪取自然汁空心頓服

治霍亂煩躁不得安臥丁香白朮丸方

丁香

兩壹

白朮

沉香

剉

胡椒

各半兩

肉豆蔻

去殼

五味子

各參分

芎藭

白僵蠶

各壹分

右八味搗羅為末研勻好酒煮木瓜一枚取肉丸如

梧桐子大若患瀉煎木瓜湯下二十九若氣疾溫酒

下

大德重校聖濟總錄卷第四十
大德重校聖濟總錄卷第四十

白頭靈

白頭靈

白頭靈

白頭靈

白頭靈

白頭靈

白頭靈

白頭靈

白頭靈

白頭靈

白頭靈

白頭靈

大德重校聖濟總錄卷第四十

